



DITAME SOBRE OS PROXECTOS DE DECRETO POLOS QUE SE ESTABLECEN OS CURRÍCULOS DOS TÍTULOS QUE SE RELACIONAN A CONTINUACIÓN:

- Técnico Superior de Artes Plásticas e Deseño en Dourado, Prateado e Policromía.
 - Técnico Superior de Artes Plásticas e Deseño en Ebanistería Artística.
 - Técnico Superior de Artes Plásticas e Deseño en Escultura Aplicada ao Espectáculo.
 - Técnico Superior de Artes Plásticas e Deseño en Técnicas Escultóricas.
 - Ciclos inicial e final de grao medio correspondentes ao título de técnico deportivo en Baloncesto, e se modifican o Decreto 135/2012, do 31 de maio, o Decreto 73/2013, do 18 de abril, e o Decreto 64/2015, do 16 de abril.
 - Ciclos inicial e final de grao medio correspondentes ao título de técnico deportivo en Judo e Defensa Persoal.
 - Ciclos inicial e final de grao medio correspondentes aos títulos de técnico deportivo en Piragüismo de Augas Bravas, técnico deportivo en Piragüismo de Augas Tranquilas e técnico deportivo en Piragüismo Recreativo Guía en Augas Bravas.
 - Ciclo de grao superior correspondente ao título de técnico deportivo superior en Atletismo.
 - Ciclo de grao superior correspondente ao título de técnico deportivo superior en Baloncesto.
 - Ciclo de grao superior correspondente ao título de técnico deportivo superior en Hípica.
 - Ciclo de grao superior correspondente ao título de técnico deportivo superior en Salvamento e Socorrismo.
-

O pleno do Consello Escolar de Galicia, na súa sesión do día 20 de decembro de 2016, emite o seguinte ditame en relación cos proxectos de decreto polos que se establecen os currículos dos títulos arriba indicados:

1. O Consello Escolar de Galicia recoméndalle á Administración educativa que desdobre os grupos de formación profesional que superen os 20 alumnos e alumnas, sobre todo naqueles que resulten perigosos para o alumnado e profesorado, no tocante a manexo de produtos ou aparellos de risco. Nesta rateo debe contar o alumnado repetidor.
2. Para todos os proxectos de currículos proponse a inclusión dun novo obxectivo xeral no artigo 9, co seguinte texto: “**Sensibilizar coa prevención da violencia de xénero**”.
3. Con carácter xeral para todos os proxectos de decreto de títulos de Artes plásticas e Deseño a Administración educativa acepta introducir un obxectivo xeral co seguinte texto: “**Analizar e valorar a participación, o respecto, a tolerancia e a igualdade de oportunidades, para desenvolver os valores do principio de igualdade de trato e non discriminación entre homes e mulleres nin por ningunha outra condición nin circunstancia persoal nin social, así como a prevención da violencia de xénero e o coñecemento da realidade homosexual, transexual, transxénero e intersexual**”. E, con carácter xeral para os restantes decretos de títulos de ensinanzas deportivas, acepta introducir un obxectivo xeral co seguinte texto: “**Desenvolver e transmitir a través do comportamento ético persoal valores vencellados co xogo limpo, o respecto aos demais, o respecto e coidado do propio corpo, evitando os comportamentos e os contidos sexistas e os estereotipos que supoñan discriminación por razón da orientación sexual ou da identidade de xénero, favorecendo a visibilidade da realidade homosexual, bisexual, transexual, transxénero e intersexual**”. Así mesmo e en relación coas emendas concretas que se realizan a distintos decretos de ensinanzas deportivas, nas que se propón a inclusión de expresións como “índole afectivo-sexual / orientación afectivo-sexual / ...”, realizarase a revisión de todos os elementos curriculares destes títulos coa finalidade de que estean plenamente adaptados aos principios de igualdade de trato establecidos na Lei 2/2014, do 14 de abril, pola igualdade de trato e a non discriminación de lesbianas, gays, transexuais, bisexuais e intersexuais en Galicia.



XUNTA DE GALICIA

CONSELLERÍA DE CULTURA, EDUCACIÓN
E ORDENACIÓN UNIVERSITARIA

Rúa San Roque, 2
15704 Santiago de Compostela
Tlf.: 881997854
conselloescolar@edu.xunta.es



4. Para todos os decretos de ciclo de grao superior correspondentes aos títulos de técnico superior en: Atletismo, Baloncesto, Hípica e Salvamento e Socorrismo, propone a inclusión dun novo apartado, coa letra que corresponda, no apartado 3 do módulo común de ensino deportivo. Código MED-C-303 (Anexo II), co seguinte texto: "**Describiranse recursos didácticos contra a violencia de xénero**".
5. Para cada un dos proxectos de decreto polos que se establecen títulos de técnico deportivo de grao medio, concretamente no módulo común de ensino deportivo, en resultados de aprendizaxe e criterios de avaliación, apartado terceiro, propone o texto de adición que figura en negriña: "Demostrouse interese por respectar os intereses das persoas, evitando os prexuízos e valorando os elementos de diferenciación individuais tales como: emocións, sentimientos, personalidade, sexo, **orientación afectivo-sexual**, características morfolóxicas, orixe cultural, clase social, etc."
6. Así mesmo, para o apartado cuarto, propone o texto de adición que figura en negriña: "Reflexionouse sobre os propios prexuízos e estereotipos, incluídos os de xénero e **por cuestións de índole afectivo-sexual**".

O Secretario

José Alejo Losada Aldrey

V. e pr.
O Vicepresidente

Fernando del Pozo Andrés

